

Сулейман-Стальский райондин общественно-политический газет

КУБРЕДИН ХАББАРАР

№21 (26494)

Жуьмя, 20-май, 2022-йис
Газет гьафтада садра акъатзава.
Маса гунин кьимет азадди я

СтIал Сулейманан - 153 йис

«Шииратдин Меккеда» - Шииратдин сувар

Дагъустандин халкъдин шаир, XX асирдин Гомер СтIал Сулейман хайи юкьуз – 18-майдиз – Дагъларин улкъведин меркез Махачкъала шегьерда ва вичиз «Шииратдин Мекке» лугъузвай шаирдин хайи хуре, Агъа-СтIалдал, Шииратдин йикъар тухуз гзаф йисар я. Лагъана кIанда, вири дунья кьарсурай коронавирусдин азар себеб яз эхиримжи кьве йисуз «Халкъдин сувариз» элкьвенвай Шииратдин йикъар гегьеншдаказ тухуз хьанвачир. Халкъ суварихъ цигел я! Расул Гьамзатова лагъайвал, халкъ хкажай, ам дуньядиз машгур авур СтIал Сулейман халкъдини хкажзава. Алай йисуз Максим Горькийди вичиз XX асирдин Гомер лагъай зурба шаирдин 153 йис тамам хъана. Идахъ галаз алакьалу яз алай йисуз Сулейманан Шииратдин йикъар районда вилкан йисарилай тафаватлу яз, махлукьатдин еке активвал аваз кьиле фена.

Цинни йисуз и шад мярекатдиз тIебиатдини шериквал авуна: вилик квай йикъар куьлуь хъана марф кьвазвайбур, сериивал квайбур хьанатIани, СтIал Сулейман хайи югъ гьуьлуьшанди, рагъ авайди, кьезил шагьвар квайди хъана.

Лагъана кIанда, муниципалитетдин Кьилин везифаяр вахтуналди тамамарзавай Лацис Оруджев, Дагъустандин халкъдин шаир, райондин культурадин отделдин начальник Майрудин Бабаханов кьиле аваз СтIал Сулейман хайи йикъаз ва Шииратдин сувариз районда виликамаз вири парихъай гьазурвилер акунвай.

18-май. Сулейман-Стальский районда Шииратдин йикъан мярекатар пакаман сятдин 9-даз райцентралда шаирдин тIварунихъ галай скверда авай СтIал Сулейманан памя-

Зурнечийри язавай милли авазар кьуд патаз чикIизвай ва абуру мярекатдин иштиракчийрин гьуьгуьлар шадарзавай.

Анал рикел аламукьдай шикилар ягъайдалай гьуьгуьни-



никдал райондин Кьилин везифаяр вахтуналди тамамарзавай Лацис Оруджева, райондин депутатрин Собранидин председатель Штибег Мегьамедханова, Общественный палатадин председатель Алимет Мейланова, Дагъустандин халкъдин шаир Майрудин Бабаханова, райадминистрациядин жавабдар работкири, общественный тешкилатрин векилри цуьквер ва цуькверин таж (венк) эцигунилай башламиш хъана. Скверда, СтIал Сулейманан памятникдал ва адан вилик квай майдандал Кьасумхуьруьн 1-нумрадин юкьван школадин аялар, гьилера цуьквер ва гьвечли пайдахар аваз, гьуьрметдин кьаравулда акъвазнавай.

кьиле Лацис Оруджев аваз райондин гьакимар Цийи Мамрачрин хуьруьн кьилихъ галай, СтIал Сулейманан памятник эцигнавай паркуниз фена. Паркуна хкажнавай Россиядин ва Дагъустандин пайдахри кьезил шагьвардал лепе гузва, Герейханован 1-нумрадин юкьван школадин аялар гьилера цуьквер аваз гьуьрметдин кьаравулда акъвазнава.

Райондин гьакимри, Герейханован ва Эминхуьруьн поселенийрин администрацийрин кьилер тир Руслан Алдырова, Сабир Юзбекова ва жавабдар маса ксари СтIал Сулейманан памятникдал цуьквер ва цуькверин таж эцигна, школьникри зурба шаир СтIал Сулейманан

шиирар кIелна.

Шииратдин асул мярекатар Агъа-СтIалдал, чIехи шаирдин КIвал-музейдин вилик квай, гьуьрчегдаказ туйкуьрнавай ва безетмишнавай майдандал кьиле фена.

Пакаман сятдин 10 тамам жадайла райондин Кьилин везифаяр вахтуналди тамамарзавай



Лацис Оруджев, райондин депутатрин Собранидин председатель Штибег Мегьамедханов, Общественный палатадин председатель Алимет Мейланов ва жавабдар амай работкири СтIал Сулейманан КIвал-музейдин директор Лидия Стальскаяди, Агъа-СтIалрин хуьруьн поселенидин администрациядин кьил Надыр Эфендиева, Дагъустандин халкъдин шаир Майрудин Бабаханова, гьакIни, цуьквер вугуналди, школьникри шадвилелди кьаршиламишна.

Райондин гьакимри, мугьманри, яратмишдай интеллигенциядин векилри шаирдин КIвал-музейдин вилик квай СтIал Сулейманан памятникдал цуьквер эцигна.

СтIал Сулейманан КIвал-музейдин вилик квай гегьенш ва виле акъадайвал безетмишнавай майдан махлукьатдив ацIанва. Аяларни галаз атанвай диде-бубайрин, школьникрин, мугьманрин кьадарни гзаф я. Лугъуз жада хьи, халкъ СтIал Сулейманан шииратдиз, адан несигьатриз вафалу я, кьадирлу халкъди кье шаир хкажзава.

Мярекат кьиле тухузвайди тир машгур конференсье Ярагьмед Ярагьмедова еке гьуьрметдивди Шииратдин суварин микрофондихъ «Сулейман-Стальский район» муниципальный райондин Кьилин везифаяр вахтуналди тамамарзавай Лацис Оруджеваз теклифна.

- Азиз тир юлдашар, Ши-

ратдин суварин иштиракчийр! – лагъана Л. А. Оруджева. – Кьечна Дагъустандин халкъдин шаир, кьадимлу лезги халкъ, чи гьвечли ватан тир Дагъустан вири дуньяда машгур авур зурба шаир СтIал Сулейманан хайи югъ кьейд ийизва ва Шииратдин сувар кьиле тухузва. За райондин культурадин уьмуьрда

кьиле физвай важиблу и вакъиа райондин вири агъалийриз, кье и суварик атанвай вири юлдашриз райадминистрациядин, Собранидин депутатрин ва жуван патай мубарак ийизва. Зун ихтин са кардални шад я: яргъал йисара райондиз регьбервал гайи, район гьар са рекъйи ви-



лик финик ва Агъа-СтIалдал гьар йисуз Сулейманан Шииратдин сувар кьиле тухуник еке пай кутур, алай вахтунда Дагъустан Республикадин Гьукуматдин Председателдин заместителвиле КIвалахзавай Абдулмуталибов Нариман Шамсудиновичан тапшуругъни кьилиз акъудзава, адан тIварунихъай кьез кьенин сувар мубаракзава.

Л. А. Оруджев вичин рахунра СтIал Сулейманан кьетIен бажарагъдал, яратмишунрал хьиз, чIехи шаирдин тIвар алай райондихъ экономикадин, социальный, культурадин ва маса рекъерай хьанвай агалкъунрал,

районда уьмуьрдиз кечирмишзавай проектрални гегьеншдиз акъвазна, и кардик еке пай кутур меценатрин – кьегьал рухвайрин, баркаллу рушарин тIварар кьуна, абуруз чухсагъул малумарна.

Вичин куьруь, амма метлеблу, гьар са касдиз таьсир авур рахунрилай гьуьгуьниз Лацис Оруджева Агъа-СтIалдал Сулейманан Шииратдин сувар ачухнавайди яз малумарна.

Дагъустандин халкъдин шаир, XX асирдин Гомер СтIал Сулейманан уьмуьрдин ва яратмишунрин рекъикай мярекатдал Алкъвадар Гьасан-эфендидин музейдин директор, РФ-дин писателрин Союздин член Гьуьсейн Гьуьсейнова гегьенш, метлеблу рахунар авуна.

СтIал Сулейманан КIвал-музейдин директор, шаирдин хтул, ДР-дин культурадин лайихлу работкири Лидия Стальскаяди вичин бубадин хайи йикъаз талукьарнавай ихтин чIехи мярекат тешкилунай ва кьиле тухунай райондин администрациядиз, и кардик пай кутур вири юлдашриз ва мярекатдин иштиракчийриз чухсагъул малумарна.

Рахунрилай гьуьгуьниз Сулейман-Стальский, Хив, Кьурагъ, Мегьарамдхуьруьн районрай ва масарай атанвай яратмишдай интеллигенциядин векилри СтIал Сулейманаз бах-

шна кхьенвай шиирар кIелна.

Райондин аяларин яратмишунрин КIвалин дестеди зиринг кьуьлер авуналди, музыкальный школадин аяларин ансамблди, Омар Меликова, Ярагьмед Ярагьмедова, Ханум Агьамирзоевади, Расул Абдулкебирова, Эрзиман Османова, Шакир Магьарамова, фольклордин дишегьлийрин «Куьре» ансамблди манияр лугъуналди, Гьажимирзе Ферзилаева шиирар кIелуналди Шииратдин суварин мярекат мадни гурлу авуна.

Текст кхьейди ва шикилар ягъайди Хазран Кьасумов я

Азим Шагъпазович Шагъпазован - 90 йис

Куъчедиз Азим Шагъпазован тIвар гана

Алатай гьафтада Мегъарамдхурун райондин Хьартас-Къазмайрин хурун са куъчедиз общественно-политический деятель Азим Шагъпазович Шагъпазован тIвар гана. И вакъи-адиз талукъарна тухвай мярекатда Дагъустан Республикадин Гьукуматдин, Халкъдин Собранидин, Дербент шегъердин ва райондин, Мегъарамдхурун, Сулейман-Стальский районрин администрацийрин векилри, гзаф къадар мугъманри иштиракна. Абурун арада Сулейман-Стальский райондин Къилин везифаяр вахтуналди тамамарзавай Лацис Оруджев кыле аваз чи райондин Чехи делегацияни авай.

Мярекатдал рахай Мегъарамдхурун райондин Къил Фарид Агъмедова, Сулейман-Стальский райондин Къилин везифаяр вахтуналди тамамарзавай Лацис Оруджева, Дагъустан Республикадин гьуърметлу депутат, академик Гьамидулагъ Мегъамедова, Дербент шегъердин экономикадин ва праводин колледждин директор Насир Гъайдарова, Сулейман-Стальский райадминистрациядин культурадин отделдин начальник, Дагъустандин халкъдин шаир Майрудин Бабаханова ва маса жавабдар ксари, школьникри общественно-политический деятель Азим Шагъпазован экуъ къамат рикел хкана, адан умуърдин ва зегъметдин рекъерикай ихтилатар авуна.

Азим Шагъпазович район социальный, экономикадин ва маса рекъерай вилик тухуник пай кутур инсанрикай сад я

Азим Шагъпазовичан Чехи гада, отставкада авай полициядин полковник Шихкерим Шагъпазова мярекатда иштираккай, вичин дахдин гьакъиндай хуш келимаяр лагъай вирибуруз чухсагъул лагъана.



Куъчедиз Азим Шагъпазован тIвар гунихъ галаз алакълу яз мемориальный къул ачухунин гьуърметдин ихтибар Мегъарамдхурун райондин Къил Фарид Агъмедоваз ва Шихкерим Шагъпазоваз авуна.

Къейд авун лазим я хьи, Азим Шагъпазовичан ери-бине Сулейман-Стальский райондин Вени-Хьартасрин хуърай я. Ада жуъреба-жуъре йисара Мегъарамдхурун райкомдин инструкторвиле, отделдин заведующийвиле, райисполкомдин председателвиле, КПСС-дин Дагъустандин обкомдин инструкторвиле, партиядин Мегъарамдхурун райкомдин сад лагъай секретарвиле, Сулейман-Стальский райондин исполкомдин председателвиле, райондин халкъдин контролдин комитетдин председателвиле кIвалахна. Санлай къачурла, А. Шагъпазован зегъметдин стаж 65 йисалай виниз я.

Азим Шагъпазович Шагъпазован яргъал йисарин намуслу зегъмет «Знак Почета» орден, «В. И. Ленинан 100 йис», «Зегъметда тафаватлу хьунай», «1941-1945-йисарин Ватандин Чехи дяведин йисара гьакъисагъвилелди зегъмет ЧIугунай», «Кавказ оборона авунай», «Зегъметдин ветеран» ва маса медалар, ДАССР-дин Верховный Советдин Президиумдин, республикадин халкъдин контролдин комитетдин Гьуърметдин грамотаяр гуналди къейдна.

А. Шагъпазов са шумуд йисуз Мегъарамдхурун ва Сулейман-Стальский районрин Советрин депутат, КПСС-дин Дагъустандин обкомдин ревизионный комиссиядин член хьана.

И мярекатдин иштиракчийри, гьабуркай яз Сулейман-Стальский райондин делегацияди Хьартас-Къазмайрал ял ядай парк ачухунин мярекатдани иштиракна.

Чин гъазурайди - Хазран Къасумов

Гьуърметдин грамотаяр вахкана

Чкадин самоуправленидин органра яргъал йисара намуслуказ кIвалах авунай ва диде-бубайрин патай къаюмвал авачиз амукънавай аялрин-етимрин гьакъиндай къайгъударвал авунин патахъай тапшуругъар тамамарунин карда лайхлувилерай, гьакIни хайи йикъахъ галаз алакълу яз Сулейман-Стальский райондин къаюмвилеин отделдин начальник Аида Велиева райондин Гьуърметдин грамотадиз лайхлу хьана.

Муниципалитетдин администрацияда райондин Къилин везифаяр вахтуналди тамамарзавай Лацис Оруджева и йикъара шад гьалара Аида Велиева-див Гьуърметдин грамота вахкана, адахъ мягъкем сагъламвал, кIвалахда мадни еке агалкъунар хьана кIанзавайди лагъана.

Акълтзавай несилдиз ватанпересвилеин, рубъдинни-ахлакъдин тербия гуни карда активдаказ иштирак авунай, краеведрин-гел жагъурзавайбурун телевиденидин отрядрин гьерекал вилик тухуник еке пай кутунай ва 60 йис тамам хьунай Сулейман-Стальский райондин зегъметдин, дяведин, Яракълу Къуватрин ва къайдаяр хуъдай органрин Советдин председател Исламан Ризаев Вироссиядин дяведин ва зегъметдин ветеранрин общественный организациядин Гьуърметдин грамотадиз лайхлу хьана.

Гьуърметдин грамота, гьакIни райондин руководстводин патай Чухсагъулдин чар Исламан Ризаев Сулейман-Стальский райондин Къилин везифаяр вахтуналди тамамарзавай Лацис Оруджева райадминистрацияда вахкана, адаз тебрикдин ва алхишдин келимаяр лагъана.

Чпин зегъметдиз къимет гунай Аида Велиевади ва Исламан Ризаева райондин руководстводиз, Вироссиядин ветеранрин общественный организациядиз ва кылди Лацис Абидинович Оруджеваз чухсагъул лагъана.



Образованидин йис

Чечнядай мугъманар атана

Чечнядин Республикадин образованидин ва илимдин министерстводин «Лидеры в образовании» проектдин финалистри стажировка Дагъустан Республикадин территориядал алай образованидин надир тир организацияра кыле тухвана. Ихтин идарайрикай сад Сулейман-Стальский райондин Цмуррин хурун инновациядин школа хьана. Чечнядай атай делегация муниципалитетдин Къилин везифаяр вахтуналди тамамарзавай Лацис Оруджева, райондин образованидин управленидин начальник Гьуъсейн Шихбабаева тебрикна.

Райондин руководстводихъ галаз кыле феи гуърушдилай гуъгъуниз инновациядин школадин директор Сергей Ежова Чечнядай тир мугъманар школадихъ, педколлективдихъ, предметрин кабинетрихъ, кIвалахдин къайдайрихъ галаз танишарна, директорди ва муаллимри келунин цийи тадаракрикай, тарсар тухунин инновациядин методикадикай, образованидин проектрикай, школадин материально-технический базадикай ихтилатар авуна.

Чечнядай атанвай мугъманариз Дагъустандин халкъдин

шаир СтIал Сулейманан КIвал-музейдиз, Алкъвадрал Гьасан-эфендин музейдиз ва райондин тамашуниз лайих тир машгъур чкайриз экскурсия тешилна.

«Лидеры в образовании» про-



ектдин иштиракчийрин образованидин мярекатар Цмуррин школадин стажировкадин майдандал кыле фена.

Къейд авун лазим я хьи, «Лидеры в образовании» проектди школайрин директоррин ше-

рикрин кIвалIал (сообщество) тукIуързава, ада идарадин тежриба, ихтиярда авай крар лап хьсанарун патал чалишмишвалда, гьа жергедай яз сада-садаз чпин фикрар лугъуда, тежриба ага-къарда.

Чечнядай тир «Лидеры в обра-

зовани» проектдин финалистар СтIал Сулейманан районда чеб къабулай къайдадилай, Цмуррин инновациядин школада кIвалах тешкилнавай гьалдилай ва дагъвийрин мугъманпересвилелай гзаф рази яз амукъна.

Конкурседин гъалибчи


Чи корреспондент Хазран Къасумова янавай шикилдай квез акъазвайди Цийи Макъарин юкъван школадин 8-классда келзавай Гьажимирзе Ферзалиев я. Ада хьсан къиметар аваз келунилай гьейри, школада ва районда тухузвай мярекатрани иштракзава, анра агалкъунар къазанмишзава. ИкI, са тIмимл йикъар вилик Агъа-СтIалдал, СтIал Сулейманан КIвал-музейда, XX асирдин Гомеран шиирар хуралай келунай райондин школайрай атанвай 8-классрин аялрин арада конкурс кыле фена. Гьажимирзе Ферзалиева СтIал Сулейманан «Орден къачурла» шиир устадаказ келуналди, 21 аялдин арада 1-чка кьуна. Ам райондин образованидин управленидин патай Гьуърметдин грамотадиз лайхлу хьана.



Россиядин халкьдин артист Расми Жабраилован – 90 йис

Сегьнеда дерин гел турди

XX асирдин Гомер, Дагъустандин халкьдин шаир СтІал Сулейманан тІварунихъ галай райондиз гьахьлудаказ арифдаррин, камалэгьлийрин, шаиррин, алимрин макан лугъузва. Гьа са вахтунда къадим Куьредин чили цудралди дуньядиз машгур искусствондин устадар, культурадин деятелар, сегьнедин устадарни гана. Абурун арада театрдин ва кинодин актер, Россиядин халкьдин артист, Россиядин Государственный премиядин лауреат **Расми (Рамзес) Халидович Жабраилова** къетген



чка къазва. Машгур кинофильмайрай ва тамашайрай ам гьам Советрин, гьамни Россиядин тамашачийриз хьсандиз таниш я. Гзафни-гзаф ам

Расми Жабраилова гьам кинодин искусствода, гьамни театрдин сегьнеда дерин гел туна

эпизодрин, яни гьвечли ролра къугъвазвай. ЯтІани къетген бажарагъ, уstadвал авай Расми Жабраилова тамашачийрин рикІ алай артистикай сад тир.

Расми Халидович Жабраилова 1932-йисуз Къасумхурел дидедиз хьана. Ада 1955-йисуз ГИТИС-дин актервилдин, 1961-йисуз режиссервилдин факультетар акалгІарна.

1955-йисалай 1961-йисалди Дербент шегьерда кардик квай СтІал Сулейманан тІварунихъ галай Лезгийрин драмтеатрда актервиле кІвалахна, тамашачийрин рикІел аламукьдай къаматар сегьнедал гьана.

Гьугъуьнлай къетген бажарагъдин сагъиб тир Р. Жабраилова «Таджикфильм» киностудияда къвед лагъай режиссер яз (1961-1962-йисара), Махачкъалада М. Горькийдин тІварунихъ галай Дагъустандин урусрин театрда ва Избербашда О. Багыраян тІварунихъ галай Даргийрин театрда режиссервиле (1962-1963-йисара), 1963-1964-йисара М. Горькийдин тІварунихъ галай Туладин областдин театрда режиссервиле кІвалахна.

1965-йисуз Расми Жабраилова Таганкадал алай Москвадин драмадин ва комедиядин театрдин актервиле теклифна. И театрдин сегьнеда хьиз, ам

актеррин КІвалин сегьнедани къугъваз хьана.

1993-йисалай Р. Жабраилова «Содружество актеров Таганки», 2000-йисалай В. Маяковскийдин тІварунихъ галай театрда актер яз кІвалахна, 60-далай виниз къаматар яратмишна.

Винидихъ къунвай театрдин тІварарай малум жезвайвал, Расми Халидович искусствода яргъи, четин, гьа са вахтунда бегьерлу рехъ фена, ам са театрдай маса театрдин, са киностудиядай маса киностудиядиз, са шегьердай маса шегьердиз акъатна. Эхирни ада Юрий Любимова регьбервал гузвай Таганкадал алай театрда вичин чка къуна. И театрдин сегьнеда ам гзаф къугъвана, са бязи тамашайра ада 2-3 роль санал тамариз хьана.

«Рамзес Таганкадин театрдин яргъалди яшамиз жедай дурумлу рубъгъ, нефес я» - лугъдай актердикай хьугъуьн-зарафат яз Юрий Любимова.

И труппа чкІайдалай гьугъуьниз Расми (Рамзес) Жабраилова Николай Губенкодикъ ва Леонид Филаговахъ галаз цІийи къилелай кІвалт хьувур «Содружество актеров Таганки» театрдин кІвалахал хьфена. Гзаф вахтара Расми Халидовича, чна винидихъ лагъайвал, эпизодрин ролар яратмишна. Ада гьам жергедин инсандин, алверчин, къачагъдин, лежердин, акьулдиз къери, зайиф касдин...

къаматар къалуьна. Гьвечли буйдин, къариб жуьредин инсан тир Р. Жабраилова критикри бязи вахтара комедийрин зурба уstad Чарли Чаплинав текъигдай.

Театрдин сегьнеда хьиз, Расми Жабраилова кинофильмайрани цудралди ролар тамарна. Абурукай яз чавай «Одержимые» (Юртайкин), «Наш дом» (телевиденидин работник), «Белый рояль» (Аристарх Платоныч), «Встреча у старой мечети» (шикилчи), «Драма из старинной жизни» (Храпощка), «Лаутарь» (Янка), «Тысяча первая гастроль» (Каранефис), «Короли и капуста» (Эстебан Дельгадо), «Сказка, рассказанная ночью» (аптекада кІвалахзавайди), «Испытатели» (Сергей Иванович) ва маса кинофильмайрин тІварар къаз жеда.

Расми Жабраилова къугъвай «Женитьба» (Жевакин), «Карамазовы» (Фетюкович), «Мертвые души» (Чичикован дах) ва маса тамашаярни уьлкведин театрдин къизилдин фондуна гьатнава.

«Преступление и наказание» тамашадила гьугъуьниз Москвадин театрдин критикри хьенай: «Тамаша лап хьсанди хьана, актеррин кІвалахни тарифинди я, анжах къе актерди: Владимир Высоцкийди

тамамарай Свидригайлован ва Рамзес Жабраилова тамамарай Мармеладован ролар тамашачийрин рикІера вири уьмуьрда амукьда».

Уьлкведа машгур хьайи лезги актердикай С. Капкова «Характерные актеры российского кино» ктабда хьизва: «... Расми Халидович сегьнеда хьсандиз къугъвазва. Адавай пис къугъваз, умуми гьалда къугъваз жедач... Дуьз лагъайтІа, ам регъимлу, хьсан къилихдин, бажарагъдин сергъят авачир артист я. Чаплин фикирдиз гьваш. Расмини гьам хьиз гьвечли буйдин инсан я, амма чувуд туш, лезги я... Артистар авайди я руководстводи гьурметзавай, мадни артистар авайди я халкьдини, артистрини гьурметзавай. Расми эхиримжибурук акатзава...».

Расми Жабраиловакай, бажарагълу актердикай хьиз, викІегъ, дирибаш инсан язни Б. Львовича вичин «Актерская курилка» ктабда хуш келимаяр гзаф кхьенва.

Советрин Союздин ва Россиядин Федерациядин машгур актер, РСФСР-дин лайихлу ва Россиядин халкьдин артист, РФ-дин Государственный премиядин лауреат, «Ватандин вилик лайихлувилерай» II-дережадин ордендин медалдин сагъиб Расми (Рамзес) Халидович Жабраилова 2022-йисан январдин вацра Москвада кечмиш хьана.

Кард къарагъай мука адан цІакул амукьда, - лугъуьн мисалда. Расми Жабраилован кар, рехъ адан руш Мадлен Жабраиловади уьзуьагдаказ



давамарзава.

1971-йисуз дидедиз хьайи Мадлен алай вахтунда Москвада «Мастерская П. Н. Фоменко» театрда актриса я. Ада гьам театрдин сегьнеда, гьамни кинофильмайра са шумуд роль тамарна, и кар давамни ийизва.

Театрда ва кинофильмайра жанлу, тамашачийрин рикІел аламукьдай къаматар яратмишунай ва къетген уstadвилей Мадлен Жабраиловадиз Россиядин лайихлу артистка лагъай тІвар ганва.

Хазран Къасумов
Шикилра: Расми Жабраилова ва Мадлен Жабраилова

СтІал Сулейманан - 153 йис

Мярекат метлеблуди хьана

Алкьвадар Гьасан-эфендидин тІварунихъ галай Сулейман-Стальский райондин центральный библиотекайрин къурулушда (ЦБС-да) Дагъустандин халкьдин шаир СтІал Сулейманан 153 йис тамам хьуниз талуькарнавай литературадин чІехи мярекат къиле фена. Библиотекайрин кІелзавайбурулай гьейри, аниз райондин яратмишдай интеллигенциядин векилар тир Сажди Саидгьасановаз, Хазран Къасумоваз, Райсудин Набиеваз, Агьмедпаша Агьмедпашаеваз теклифнавай.



Атанвай мугъманар тебрик авуналди, мярекат ЦБС-дин работник Наида Алхасовади ачухна ва ам къилени тухвана.

СтІал Сулейманан уьмуьрдин ва яратмишунрин рекъикай, адан къетген бажарагъдикай библиотекадин къурулушдин работникар тир Рузанна Бабахановади ва Чраханум Абдулафисовади метлеблуду рахунар авуна, Марал Къурбановади XX асирдин Гомеракай машгур ксари лагъай келимаяр рикІел хьана.

Мярекатдал рахай машгур шаир Сажди Саидгьасанова 1991-йисуз райондин делегациядик кваз вич Украинадин меркез Киев шегьердиз финикай, ана са куьчедиз СтІал Сулейманан тІвар гунин мярекатда иштиракуникай суьгъбетна, СтІал Сулейманан бахшна кхьенвай шиир кІелна.

Курхуьруьн 2-нумрадин юкъван школадин муаллим ва журналист Райсудин Набиева Агъа-СтІалдал шаирдин Шииратдин йикъарук Москвадай машгур шаир Сергей Михалков атай вахт ва ада авур ихтилатар рикІел хьана.

Россиядин журналистрин ва Лезги писателрин Союзрин член, «Куьредин хабарар» газетдин отделдин заведующий Хазран Къасумова 1936-йисан 8-февралдиз «Литературный Ленинград» газетдиз акъатай Николай Тихонован «Сулейман-Стальский и Владимир Маяковский», А. Прокофьеван «Смелость поэта», 1934-йисан августдиз «Правда» газетдиз СтІал Сулейманакай акъатай макъалайрикай, XX асирдин Гомера 1934-йисуз СССР-дин писателрин съездда, 1935-йисуз Москвада СССР-дин писателрин Союздин пленумда ва Вирисоюздин малдаррин совещанида иштиракуникай, тайин делилар ва мисалар гьиз, метлеблуду рахунар авуна, мярекатдал гьакІни вичин «Шииратдин сувар» шиирни кІелна.

«Куьредин ярар» культурадин центрадин председател Агьмедпаша Агьмедпашаева вичин рахунар районда СтІал Сулейман хайи йикъаз талуькарна, рахунрин эхирдай вичин диде СтІал Мислимата СтІал Сулейманан бахшна кхьей шиир кІелна.

ЦБС-дин, гьакІни анин Курхуьрел, Сийида, Агъа-СтІал Къазмайрал кардик квай филиалрин кІелзавайбуру (школьникри) XX асирдин Гомеран шиирар хуралай кІелна, гьвечли сегьнеяр къалуьна.

ЦБС-да «СтІал Сулейман – чІехи шаир ва ватанперес» стенд, чІехи шаирдин ктабрин выставкани акьуднавай.

Чи корр.

Сочиненийрин конкурс

Райондин образованидин управленида СтІал Сулейманан уьмуьрдин ва яратмишунрин рекъиз бахшнавай шиирар кхьинай школьникрин арада тухвай конкурсдин нетижаяр къуна.

Конкурсда школайрин 7-классра кІелзавай 30-далай виниз аялри иштиракна. Абуру кхьей сочиненийриз РУО-дин къвалав гвай ИМЦ-дин методист Назират Азимовадикай, школайрин лезги чІалан ва литературадин муаллимар тир Гуьзел Межидовадикай, Фериди Исаевадикай, Жамиля Жигеровадикай ва Маржанат Тагьгьировадикай ибарат тир жюриди къимет гана.

Конкурсдин нетижата Вини-СтІалрин юкъван школадин ученик Мирван Гьажимурадов гъалиб хьана.

Приздин чкаяр Малика Эмирхановади (Зизикрин СОШ), Камила Сайибуллаевади (Курхуьруьн 1-нумрадин СОШ), Камила Тагьгьировади (КІахцугърин СОШ), Шериф Магьмудова (ЦІийи поселокдин СОШ) ва Хадижа Къарахановади (ДаркІуш-Къазмайрин СОШ) къуна.

Конкурсдин финалистрин райондин образованидин управленидин Гьурметдин грамотаяр гана.

Х. Гьажибалаев

Къасумхуьруьнви – Минздравдин чемпион

Мукъвара Рязань шегьерда Россиядин здравоохраненидин министерствонин кIвенкIвечивал патал дзюодай уьлкведин медицинадин ва фармацевтикадин ВУЗ-ра кIелзавай студентрин арада 6-сеферда чемпионат кыле фена. Ана Рязандин, Дагъустандин, Москвадин, Башкортостандин, Ижевскдин, Тюмендин, Кубандин, Ставрополдин, Саратовдин ва Казандин ВУЗ-ра кIелзавай 59 спортсменди иштиракна. Абуру заланвилини 11 категориядай бягъсер тухвана.

Чемпионатда 73 килограммдин заланвилай майдандиз В. И. Разумовскидин тIваруних галай Рязандин медицинадин университетдин стоматологиядин факультетдин 5-курсунин студент Гъажирамазан Ягъибегов экъечIна. Ери-бине Къасумхуьрелай тир ада Вирироссиядин чемпионатда сифте гуьруьшда Кубандин медуниверситетдин студентдин винел 10:0 баллрин гьисабдалди, гуьгъуьнин гуьруьшра Тюмендин медуниверситетдин ва Ижевскдин медакадемиядин студентрал-спортсменрал михьи гъалибвал къачуна.

Финалда Гь. Ягъибегов Ставрополдай тир гзаф къуватлу спортсмендих галаз гуьруьшмиш хъана. Гуьруьшдин асул вахтунда гъалибчи тайинариз хъанач, къведахъни сад



хьтин баллар авай. Алава вахтунда Гъажирамазана гъалибвал къачуна, Рязандин медуниверситетдин тарихда сифте язанин студентдикай Россиядин минздравдин чемпион хъана.

Гь. Ягъибегова университетда физвоспитанидин кафедрин старший преподаватель Николай Ключникован ва кафедрин заведующий Михаил Фоминан гъилик вер-

дишвилер къачузва, уstadвал хкажзава.

Къейд авун лазим я хьи, Гь. Ягъибегова сифтедай Къасумхуьрел кардик квай самбонин дзюодин ДЮСШ-да

тренерар тир Рамазан, Юрий ва Тельман Къурбановрин гъилик вердишвилер къачуна. Гъажирамазан Дагъустандин кIвенкIвечивал патал ва Вирироссиядин хейлин турниррин гъалибчи ва призерни я.

Чаз Гь. Ягъибеговахъ кIелуна ва спортда мадни еке агалкъунар хъана кIанзава.

Хазран Къасумов

Къвед лагъай чка къуна

Къадим Дербент шегьерда аздаказ къуршахар къунай аялринни-жаванрин спортдин школайра (ДЮСШ-ра) вердишвилер къачузвайбурун арада турнир кыле фена. Ана саки 100 жаванди иштиракна.

Сулейман-Стальский райондин спортдин, туризмдин ва жегъилрин крарин рекъай Комитетдин турнирди Эминхуьруьн ДЮСШ-дин тренер-преподаватель Мурад Мурадагъаева вердишвилер гузвай са шумуд спортсмен ракъурнавай. 38 килограммдин заланвилай эминхуьруьнви Рагъим Абдулагъаева приздин 2-чка къуна. Адаз грамота ва медаль гана.

Камил Къасумов, Эминхуьруьн СОШ-дин 8-класдин ученик

Пуд лагъай тур кыле фена

И йикъара мини-футболдай кыле тухузвай муниципальный чемпионатдин 3-тур кыле фена. Агъа-СтIалрин хуьруьн мини-футболдин майдандал кыле феи акъажунрин нетижаар ихьтин-бур хъана: «Эминхуьр» - «Новая Мака» - 2:1, «Белый медведь» - «Герейхановское» - 3:1, «Ага-Стал» - «Карчаг» - 4:3, «Ага-Стал-Казмалар» - «Касумкент» - 2:1 ва «Новый поселок» - «Вини-Стал» - 2:1.

Чемпионатдин тешкилатгъийри хабар гайивал, гуьгъуьнин тур Къулан-СтIалрин хуьруьн спортдин майдандал кыле фида.

Х. Гъажибалаев

Шииратдин сувар

Агъа-СтIал хуьре кье
Шииратдин сувар я.
Машгъур авун чи район
Сулейманан гуьнар я.

XX асирдин Гомеран
Акьул-камал вине я.
Ада кхъей гъар са цар
Бажарагъдин бине я.

Сулейманан эсерар
Чаз виридаз багъа я.
Абур кIелун гъар садаз
Шад гуьгъуьлни, дава я.

Чи райондал кутугай
Сулейманан тIвар ала.

Гъар са рекъай райондихъ
Агалкъунрин зар ава.

Такабурлу Шалбуз дагъ
Сулейманан уртагъ я,
Бубадин рехъ давамай
Мусаибни дамахъ я.

Атанва кье махлукъат
Шииратдин суварик.
Ван кутунва къавалри
Далдам-зуьрнед авазрик.

Къуьлерзава жегъилри
Зирингвал ква кIвачерик.
Хъвер сивелла инсанрин
Шадвални ква рикIерик.

Хазран Къасумов

Сулейманан аян я
Къе Куьредин гуьнарар.
Шииратдин суварал
Ийин чна дамахар.

Чуру ксар русвагъун
Ни лугъуда гунагъ я?
Кесиб касдин тереф хвейи
Сулейман чи панаягъ я.

Чи шаиррин буба я
Гъа арифдар Сулейман.
Асиррани амуькда
Чаз багъа яз Сулейман.

КАК ПОСТУПИТЬ В СЛУЧАЕ ВЫМОГАТЕЛЬНОСТИ, КОММЕРЧЕСКОГО ПОДКУПА ИЛИ ПРОВОКАЦИИ ВЗЯТКИ (ПОДКУПА)?

Внимательно выслушать и точно запомнить поставленные Вам условия (размеры сумм, наименования товаров и характер услуг, сроки и способы передачи взятки, формы коммерческого подкупа, последовательность решения вопросов и т.д.).

Следует вести себя крайне осторожно, вежливо, без заискивания, не допуская опрометчивых высказываний, которые могли бы трактоваться либо как готовность, либо как категорический отказ дать взятку или совершить коммерческий подкуп.

Постарайтесь перенести вопрос о времени и месте передачи взятки до следующей встречи с чиновником, предложить для этой встречи хорошо знакомое Вам место. Но не переусердствуйте в своем настаивании.

Поинтересуйтесь о гарантиях решения Вашего вопроса в случае Вашего согласия дать взятку или совершить коммерческий подкуп.

Не берите инициативу в разговоре на себя, больше слушайте, позволяйте взяткополучателю выговориться, сообщить Вам как можно больше информации.

По своему усмотрению Вы можете обратиться с устным или письменным заявлением в правоохранительные органы по месту Вашего жительства или в их вышестоящие инстанции:

В органы внутренних дел – районные или городские отделения (отделы, управления) полиции, отделы (управления) по борьбе с экономическими преступлениями, отделы (управления) по борьбе с организованной преступностью.

В органы прокуратуры – к районному или городскому прокурору, прокурору Республики Дагестан.

ВАМ НУЖНО

Прийти на прием к руководителю правоохранительного органа, куда Вы обратились с сообщением о вымогательстве у Вас взятки.

Написать заявление о факте вымогательства у Вас взятки или коммерческого подкупа, в котором точно указать:

- кто из должностных лиц (фамилия, имя, отчество, должность, наименование учреждения) вымогает у вас взятку или кто из представителей коммерческих структур толкает Вас на совершение подкупа;
- какова сумма и характер вымогаемой взятки (подкупа);
- за какие конкретно действия (или бездействие) у Вас вымогают взятку или совершается коммерческий подкуп;
- в какое время, в каком месте и каким образом должна произойти непосредственная дача взятки или должен быть осуществлен коммерческий подкуп.

Устные сообщения и письменные заявления о коррупционных преступлениях принимаются в правоохранительных органах независимо от места и времени совершения преступления.

В правоохранительном органе полученное от Вас сообщение (заявление) должно быть незамедлительно зарегистрировано и доложено вышестоящему руководителю для осуществления процессуальных действий согласно требованиям Уголовно-процессуального кодекса РФ.

Вы имеете право получить копию своего заявления с отметкой о его регистрации в правоохранительном органе или талон-уведомление, в котором указываются сведения о сотруднике, принявшем заявление и его подпись, регистрационный номер, наименование, адрес и телефон правоохранительного органа, дата приема заявления. При этом Вам следует поинтересоваться фамилией, должностью и рабочим телефоном сотрудника, принявшего заявление.

Вы имеете право выяснить в правоохранительном органе, которое занимается Вашим заявлением, о характере принимаемых мер и требовать приема Вас руководителем соответствующего подразделения для получения более полной информации по вопросам, затрагивающим Ваши права и законные интересы.

В случае отказа принять от Вас сообщение (заявление) о коррупционном преступлении вы имеете право обжаловать эти незаконные действия в вышестоящих инстанциях, а также подать жалобу на неправомерные действия сотрудников правоохранительных органов в прокуратуру Республики Дагестан, Генеральную прокуратуру Российской Федерации, осуществляющие прокурорский надзор за деятельностью правоохранительных органов и силовых структур.

ВАМ ИЗВЕСТНЫ ФАКТЫ КОРРУПЦИИ? СООБЩИТЕ О НИХ ПО ТЕЛЕФОНАМ ДОВЕРИЯ:

8(87 236) 3-43-34
Администрация МР «Сулейман-Стальский район»
8928-046-58-05
Прокуратура Сулейман-Стальского района
8928-977-08-18
ОМВД РФ по Сулейман-Стальскому району
Администрация МР «Сулейман-Стальский район»



«КЮРИНСКИЕ ИЗВЕСТИЯ» (на лезгинском языке)

Тешкилатчи: Сулейман-Стальский райондин администрация
Кылин редактор **А. М. Мирзалиева**
Редакциядин ва издателдин адрес: 368760, Къасумхуьр,
СтIал Мусаибан куьче, 3. Телефон: 3-41-65
Печатдин кIвал
Газетдин электронный почта kizvestiya86@mail.ru

Газета зарегистрирована Южным окружным межрегиональным территориальным управлением по делам печати, телерадиовещания и средств массовых коммуникаций, регистрационный номер ПИ №10-4325 от 28.01.2002г.

Редакциядинни макъалайрин авторрин фикирар сад тахъун мумкин я. Макъалайрин, абур гъизвай делилрин дуьзвиллин патахъай жаваб авторри чIи гуда. Макъалайриз рецензияр гузвач ва абур элкьвена вахъузвач. Чап ийиз вахъудай вахт 15:00. Чап ийиз вахъана 10:30
Газетдин индексар: Йисан – 63323; Зур йисан – 51369
Газет йиса 52 сеферда акъатзава.
Гь – И лишандик квай материалар гъакьидихъ чапзавайбур я.
12+ - Икъван яшар хъанвайбур кIелрай.
Газет ООО «Типография-М» типографияда чапна, 368600, Дербент шегьер, С. Къурбанован куьче, 25. Тираж 1600. Зак. №